

A pesar cu cifranan di Presupuesto Nacional 2025 ta positivo,

Raad van Advies ta remarca cu Aruba ta keda core riesgo financiero y economico grandi

Recientemente Raad van Advies (RvA) a publica su conseho pa loke ta trata e concepto di ordenansa nacional cu ta establece e presupuestonan di e ministerionan pa e aña 2025 (Presupuesto Nacional 2025). Den e conseho RvA ta elabora riba diferente aspecto cardinal di e concepto y ta enfatisa e importancia pa control di gasto.

RvA ta remarca cu e concepto presenta na nan tin como meta establece e presupuestonan di e ministerionan di pais Aruba pa e aña di servicio 2025. Conforme articulo IV.1 di e Constitucion di Aruba, e RvA ta ser scucha riba concepto di ordenansanan nacional cu ta ser entrega door di gobierno na Estadonan di Aruba. Desde cu e presupuesto nacional ta tuma e forma di un concepto di ordenansa nacional, esaki tambe ta ser trata como un proposicion cu ta pidi conseho di Raad van Advies.

Un ordenansa nacional cu ta establece e Presupuesto Nacional ta un ley formal y tin su propio caracter. E circunstancia cu e cuadro di autorizacion ta prevalece tin consecuencia pa e cuadro di evaluacion cu RvA mester usa. E evaluacion huridico y tecnico huridico completo ta tuma luga. RvA a evalua, entre otro, contra regulacionnan mas halto, manera e Constitucion, y tambe contra e Rekeningverordening (Reglamento di Responsabilidad) y e Landsverordening Aruba finaceel toezicht (LAft). E acuerdonan poni den e Landspakket tambe ta inclui.

RvA ta resalta cu contrario



na legislacion den un sentido substancial, no tin un evaluacion analitico di politica ta tuma luga. E formulacion di e obhetivonan di e politica pa e aña financiero binidero ta un beneficio di gobierno, cual durante e discusion di presupuesto lo duna responsabilidad na Parlamento.

RvA ta, sinembargo, evalua si e proposicion di obhetivonan di politica ta ser refleha correctamente den e calculacionnan presenta y ta evalua e realidad di e calculacionnan proponi di e entrada- y gastonan di Pais Aruba conhuntamente cu e cifranan mas actual pro-

nostica di e otro entidadnan cu ta pertenece na e sector colectivo, e efectonan multi-anual financiero-economico di e calculacionnan, e obligacionnan y e desaroyo di finanzas publico.

Finalmente, e RvA ta evalua si e premienan financiero y economico riba cual e presupuesto ta basa ta valido y si e proposicionnan ta conduci na finanzas publico sostenibel.

Adicionalmente Raad van Advies a tuma nota tambe di e 'Conseho pa concepto di presupuesto 2025' di Hunta di Supervishon Financiero di Aruba (CAft), di fecha 17 di juni 2024.

Pa e aña di servicio 2025, tanto e saldo di financiamiento di pais Aruba como un surplus ta ser calcula den e sector colectivo. E surplus di financiamiento di pais Aruba ta ser calcula na Afl. 137.6 miyon, cu ta suma na 1.8% di GDP. Pa e sector colectivo, e surplus di financiamiento ta suma na Afl. 195.5 miyon, cu ta suma na 2.6% di GDP.

A pesar di e hecho cu e cifranan di presupuesto di pais Aruba y e sector colectivo pa

2025 ta positivo, Raad van Advies ta cuestiona e concepto di Presupuesto Nacional 2025 y e splicacion cu ta compana esaki.

Como ehempel RvA ta señala varios provision di e LAft. RvA ta considera tambe cu e contenido di informacion, y e contenido di realidad, di calculacionnan multiple den e diseño y splicacion ta hopi limita.

RvA ta remarca cu e uso di incorrecto y e cifranan cu no ta cla - por ehempel debi na extraccion for di diferente fuente presupuestario y e falta di e efecto di costo total di indexering, RvA ta enfatisa, ta complica e prueba di e cifranan registra.

E Conseho ta resalta cu e principianan di presupuesto tambe ta insuficiente y nan refleho den e cifranan usa, loke ta nifica cu RvA en general ta considera e realidad di e diseño y e splicacion cu ta compana esaki limita.

RvA ta destaca cu e surplusnan di financiamiento di e pais y e sector colectivo calcula pa 2025 ta hopi riba 1.0% di GDP, pero e Conseho ta

subraya cu e calculacionnan aki ta limita cu riesgonan cubri. Riba e parti di recurso-nan, RvA ta inidca cu esaki ta muestra cu e dependencia riba turismo ta sigui aumenta, mientras cu e carrying capacity di e pais awor a ser surpasa ampliamente.

Debi na e combinacion di un peso di impuesto colectivo halto, esun di mas halto den e region, RvA ta resalta cu no solamente e presion riba sociedad fisico tin su balornan critico logra, pero esaki, e Conseho ta señala, ta conta tambe pa e peso financiero cu ta ser pone riba sociedad y economia.

RvA ta señala cu na mesun momento, ta implementa e control necesario di gasto, tanto na pais Aruba mescos cu e otro entidadnan di e sector colectivo, cual RvA ta destaca ainda tin insuficiente substancia duna riba esaki. E falta di medidanan concreto pa reduci e total di gastonan, no solamente lo tin un impacto negativo riba aña 2025, pero lo traduci den un saldo di financiamiento cu ta bahando rapidamente riba termino relativamente cortico den sector colectivo. Particularmente e desaroyonan den e fondonan social, esnan den dje lo ser confronta cu resultadonan negativo pa futuro cercano - ta preocupa RvA.

Debi na e combinacion di un dependencia continuo riba turismo, cu ta sigui aumenta y cu ta surpasa e carrying capacity di e Pais, e peso halto di e colectivo di impuesto, gastonan cu ta aumenta cada bes y inversionnan atrasa, RvA ta remarca cu e pais ta keda core riesgo financiero y economico grandi.

Por ultimo, RvA ta enfatisa cu nan a bin ta insisti riba e necesidad di control di gasto pa varios aña. Pero nan ta subraya cu e control di gasto aki tampoco lo no ta disponibel pa e aña presupuestario 2025. E Conseho ta subraya cu pa logra un bahada significant den gastonan di interes (multi-anual), ta importante pa gobierno compromete su mes pa zorg pa e proposicion di e Ley di Reino pretendi ser entrega prome cu 1 di mei 2025 na Tweede Kamer.

